

卷十六

新雕 皇朝類苑卷第一

祖宗聖訓

太祖

太祖聖性至仁雖用兵亦戒殺戮親征太原道經潞
州麻衣和尚院躬禱於佛前曰此行止以弔伐為意
誓不殺一人開寶中遣將平金陵親召曹彬潘美戒
之曰城陷之日慎無殺戮設若困鬪則李煜一門不
可加害故彬於江南得王師弔伐之體由

聖訓

初梁因宣武府第修之為建昌宮晉改命曰太

宗復加營繕猶未盡如王者之制

殿令洞開諸門直望之謂左右曰此如我

太祖

書名 新雕皇朝類苑七十八卷 銅活字印本
撰者 宋 江少虞 撰
卷 卷十六
內容分類 子 類書 彙考 宋
索書號 貴重 34
編號 C5924200

彩色首頁1

東洋文化研究所漢籍目錄 編號: C5924200

東洋文化研究所漢籍目錄所藏漢籍善本文影像資料庫 索書號: 貴重-34

漢籍善本文影像資料庫文本 新雕皇朝類苑七十八卷 銅活字印本

版權所有 東京大學 東洋文化研究所
使用上的注意事項



皇朝類苑卷第十五
十一
陛下職也 上曰然文王罔攸兼于庶言庶獄庶慎
惟有司之牧夫正謂此也 上復與衆人講論治道
至晡後王珪等請起 上命賜湯復謂光曰卿勿以
嚮者呂惠卿之言遂不慰意光對曰不敢遂退七年
十二月戊辰端明殿學士司馬光上資治通鑿五代
紀三十卷資治通鑑自治平三年置局每修一代史
畢上之至是書成總二百九十四卷目錄考異各三
十卷上諭臣曰前代未嘗有此書過荀悅漢紀遠矣
輔臣請觀之遂命付三省仍令速進入以光爲資政
殿學士降詔獎諭

新雕 皇朝類苑卷第十五

新雕 皇朝類苑卷第十六

顧問奏對 忠言儻論

顧問奏對

盛文肅

景祐中王沂公曾呂許公夷簡爲相宋綬盛度蔡齊
爲參知政事沂公素喜蔡文忠呂公喜宋公垂惟盛
文肅不得志于二公晚年王呂相失交章乞退一日
盛文肅致齋于中書 仁宗召問曰王曾呂夷簡乞
出甚堅其意安在文肅對曰二人腹心之事臣亦不
能知但 陛下各詢以誰可爲代者即其情可察矣
仁宗果以此問沂公公以文忠薦一日又問許公公
以公垂薦 仁宗察其朋黨於是四人者俱罷政事
而文肅獨留焉 廬陵歸田錄

時辟楊蟬為益倅奏名上

太宗不識蟬字音尋亟

召問立名之因奏曰先臣命之不知其由兄蚡弟蛻

盡從虫臣家漢太尉震之後今已孤不敢輒更上曰

蟬有何義奏曰臣聞出羽陵蠹書曰白魚虫也

上嘆曰古人名子不以日月山川隱疾尚恐稱呼有

妨今以細碎微類例名其子未知其謂也以御筆特

去虫止賜名覃覃弟蛻之女妻夏英公閻範嚴酷聞

於掖廷因率命婦朝宮后莊獻后苛責之方少我謹

趙元考

元豐中高麗使朴寅亮至明年象山尉張中以詩送

之寅亮答詩序有花面艷吹媿鄰婦青唇之効桑間

陋曲續郢人白雪之音之語有司劾中小官不當外

交夷使奏上 神宗顧問左右青唇何事皆不能對

乃以問趙元考元考奏不經之語不敢以聞

神宗再三諭之元考誦太平廣記云有鄰夫見婦吹

火贈詩曰吹火朱唇動添薪玉腕斜遙看煙裡面大

似霧中花其妻告其夫曰君豈不能學也夫曰君當

吹火妻亦效之夫乃為詩曰吹火青唇動添薪黑腕

斜遙看煙裡面恰似鳩盤茶元考之雜博如此雖在

僻小說無不該覽灑水燕談

畢士安

咸平二年十月詔選官校勘三國志晉書唐書或有

言兩晉事多鄙惡不可流行者 真宗以語宰相畢

士安曰惡以誠世善以勸後善惡之事春秋備載

帝然之故命刊刻蓬山志

忠言讜論

李懷忠

太祖幸西京將徙都羣臣多不欲留時有節度使李懷忠承間諫曰東京有汴渠之漕坐致江淮之粟四五十萬以贍百萬之軍陛下居此將安取之且府庫重兵皆在東京陛下誰與處此乎上乃還三朝聖政錄

王元之

太祖末王禹偁上言請明數繼遷罪狀募諸胡殺之真宗即位詔羣臣論事禹偁上疏陳五事一曰謹邊防通盟好因嗣統之慶赦繼遷復與夏臺彼必感恩內附且使天下知屈已而爲人也二曰減冗兵併冗吏使山澤之饒稍流於下開寶前諸國未平而賦足

兵威強由所畜之兵銳而不衆所用之將專而不疑設官至簡而事皆舉興國後增損太冗皆經制之三曰難選舉使入官不濫先朝登第僅萬人乃紀以舊制還舉場於有司吏部銓擇官亦非帝王躬親之事宜依格敕注擬四曰澄汰僧尼疲民無耗罷度人修寺一二十載容自銷鑠亦救弊之一端五曰親大臣遠小人使忠良蹇諤之士知進而無疑姦佞傾巧之徒知退而有懼其後潘羅支射死繼遷平夏款附卒如禹偁策而歲限度僧尼之數及病囚繫輕得養治于家至今行之

二

王禹偁爲諫官上禦戎十策大旨以謂外任人內修德則可以弭之外則合兵勢以重將權罷小臣調羅

邊事行間課以離其心遣保忠御卿率所部以張犄
角下詔感勵邊人取燕薊舊疆盖弔晉遺民非貪其
土地內則省官以寬經費抑文士以激武夫信用大
臣以資其謀不貴虛名以戒無益禁游惰以厚民力
端拱冬旱禹偁上疏請節用省役薄賦緩刑

竇儼

竇儼字日彰與賈琰同事 太宗府中琰性便佞
太宗嘗與諸王府射琰侍側稱贊德義而多譎誕儼
比之曰賈氏子巧言令色豈不愧於心哉坐中失色
太宗亦爲之不樂因罷會白 太祖出儼涇州後爲
參知政事 太宗謂曰卿何以至此曰 陛下以藩
邸舊恩至此 太宗曰非也卿嘗面折賈琰賞卿之
直耳 范蜀公蒙求

孫籍

真宗東封還群臣獻歌頌稱贊功德者相繼惟進士
孫籍獻書言封禪帝王之盛事然願 陛下慎於盈
成不可遂自蒲假 上善其言即召試中書賜同進
士出身

趙韓王

一

趙普嘗奏 太祖舉某人爲官 太祖不用普明日
復奏其人 太祖亦不用明日普又以其人奏
太祖怒即碎裂其奏紙擲於地普顏色不動乃跪地
拾之收歸他日取所裂奏劄用糊粘綴復以奏
太祖乃悟卒用其人

二

太祖時嘗有羣臣立功當遷官 上素嫌其人不與
趙普堅以爲請 上怒曰朕固不爲遷官將若何普
曰刑以懲惡賞以酬功古今之通道也且刑賞者天
下之刑賞非 陛下之刑賞也豈得以喜怒專之
上怒甚起普亦隨之 上入宮普立於宮門久之不
去 上寤乃可其奏

范蜀公

范內翰景仁以宏才碩學時所推仰始立朝或不以
鯁直許之 仁廟春秋高少陽虛位首拜疏乞擇宗
室親賢爲皇嗣熙寧初將推行新法獨不肯阿腴附
議知不可爭即告老歸第天下士大夫始知仁者必
有勇也 倦遊雜錄

陳晉公

尚書左丞陳公恕峭直性靡阿順捻領計司多歷年
所每便坐奏事 太宗皇帝或未深察必形誚讓公
欽板蹙縮退至殿壁負牆而立若無所容俟上意稍
解復進懇執前奏絡不改易或至三四 上察其忠
亮多從其義故當時言稱職者公爲之首 沂公筆錄

王昭明

韓魏公嘗稱內侍王昭明絕不類內官往年執政賈
昌朝陳執中惡歐陽公欲因張氏事深治之令蘇安
世鞫獄不成蘇云不如鍛鍊就仍乞不錄問昭明時
爲監勘官正色曰 上令某監勘正欲盡公道鍛鍊
何等語也歐陽公遂清脫 魏王別錄

余襄公

慶曆中開寶寺塔災國家遣人鑿塔基得舊瘞舍利

迎入內庭送還本寺令士庶瞻禮傳言在內庭時頗有光怪將復建塔余襄公靖言彼一塔不能自衛何福可及於民九腐草皆有光水精及珠之圓者夜亦有光烏用異也梁武造數千塔舍利嘗有光臺城之敗何能致福其塔乞更不營造 仁宗從之

夏文莊

夏竦薨 仁宗賜謚曰文正劉原父判考功上疏曰謚者有司之事且竦行不應法今百司各得守其職而陛下侵臣官疏三上是時司馬溫公知禮院上書曰謚之美者極於文正竦何人可以當此書再上遂改賜謚文獻知制誥王原叔曰此僖祖皇帝謚也封還其目不為草辭於是太常更謚竦文莊

趙禹

景祐中趙元昊尚修職貢萊州進士趙禹庶明上書言元昊必反請治兵為邊備宰相以為狂言流禹建州明年元昊果反禹逃歸京師上言自理宰相益怒下禹開封獄是時陳希亮為司錄言禹可賞不可罪宰相不從希亮爭不已卒從希亮言以禹為徐州推官徂徠先生石守道有詩曰萊牧男兒忽議兵謂禹也

孫冕

咸平中孫冕言乞放江淮荆湖通商賈鹽許商人於邊入中糧草或京師納錢帛一年之內國家預得江淮荆湖三路賣鹽課額而又公私之利有十倍焉為陳恕等沮之其議遂寢

司馬溫公

嘉祐中內臣凌允言死以其嘗有軍功特給鹵簿司馬溫公言古不以名器假人允言近習之人非有大勲大功而贈以一品給以鹵簿不可以爲後法仁宗嘉納之

二

仁宗朝司天奏月朔日當食而陰雲不見事同不食故事當賀司馬溫公曰日食四方皆見而京師獨不見天意若曰人君爲陰邪所蔽天下皆知而朝廷獨不知其爲灾尤甚不當賀詔嘉其言後以爲例

賈先生

臨淄賈岡公竦先生以著書扶道爲已任著山東野錄七篇頗類孟子賞奏諫書四篇謂丁謂造作符瑞

以誣皇天欺先聖今幸謂姦發請明告天下正其事使後世無譏焉其文謂謂既竄逐寇萊公猶在雷請還萊公以明忠邪先生終以孤直不偶既晚得進士出身亦不樂爲吏久之李文定公竊其告勅送吏部先生勉就之官至殿中丞卒後門人李冠元伯劉顏子望相與謚曰存道先生初先生得出身也真宗賜先生名故字希德云

龐莊敏

狄武襄公旣平嶺南仁宗欲以爲樞密使平章事龐莊敏公曰太祖遣曹彬平江南止賜錢三十萬其重慎名器如此今青功不迨彬遠矣若用爲平章事富貴已極後肯爲陛下用耶萬一復有寇盜青更立功陛下以何官賞之乃以青爲護國軍節度

諸子皆遷官厚賜金帛

呂文靜

初真宗上僊莊獻攀慕深切凡喪祭之禮務極崇厚
呂文靖奏曰太后為先帝喪紀之數宗廟之儀不忍
裁減曲盡尊奉此雖至孝之道以臣所見尚未足報
先帝恩遇之厚惟是遠姦邪獎忠直愛惜民財拔擢
時彥使邊鄙寧靜人物富安皇帝德業日茂太后壽
樂無憂此報元帝之大節也

二

祥符中王清昭應等官成大臣率兼使領天聖中王
清災莊獻泣曰先帝尊道奉天故大建珍館以盡祇
肅之道今忽焚燬何以稱先帝遺意呂文靖公恐后

復議繕完因推洪範災異之端請罷營建遂懇讓使
各王清遂不復葺

范文正

慶曆中議弛茶鹽之禁及減商稅范文正以為不可
茶鹽商稅之入但分減商賈之利耳行於商賈未甚
有害也今國用未減歲入不可闕既不取之於山澤
及商賈須取之於農以其害農熟若取之於商賈今
為計莫若先省國用國用有餘當先寬賦役然後及
商賈弛禁非所當先也其議遂寢已上出筆談

二

范文正仲淹為右司諫章獻劉太后聽政忽遣一巨
璫諭之曰今後凡有大號令不須強上幼三五年
為一宰相不難致公覺其言甘必有所謂果誕告冬

至日大會前殿 仁宗率群臣爲壽有司將具公上
疏曰臣聞王者尊極儀法配天故所以齒輅馬踐廐
芻尚皆有誅况屈萬乘之重垂冕旒行北面之禮乎
此乃開後世弱人主以強母后之漸也 陛下果欲
爲太后履長之賀於闈掖以家人承顏之禮行之可
也抑又慈慶之容御軒陛使百官瞻奉於禮不煩事
遂已又獨御乞皇太后還政疏曰 陛下擁扶聖躬
聽斷大政日月持久今上皇帝春秋已盛睿哲明發
握乾綱而掃坤紐非黃裳之吉象也豈若保慶壽於
長樂卷收大權還 上真主以亨天下之養云疏入
不報湘山野錄

三

明道中天下蝗旱范文正公安撫江淮廻以太平州

貧民所食烏昧草進呈乞宣示六官戚里用抑奢侈
湘水燕談

李宗諤

咸平初修 太宗寶錄命錢若水主其事若水舉給
事中柴成務起居舍人李宗諤侍御史宗度洎予及
職方員外郎吳淑 上指宗諤曰自太平興國八年
已後皆昉在中書日事史策本憑直筆儻子爲父隱
何以談信於後代乎除宗諤不許餘悉可之 楊文公
談苑

王沂公

真宗初上仙丁晉公王沂公同在中書沂公獨入劄
子乞於山陵已前一切內降文字中外並不得施行
又乞今後凡兩府行下文字中書候宰相參政密院

曾氏屬贈景宗四家以道乞

聽入。未以宗文本五代史。元校毛本亦不佳

受教上

沈明先生付下未詳

廿二

傳三夫人



樞密使副簽書負方許中外承受兩宮可其奏晉公聞之愕然自失由是深憚沂公矣

二

真宗晏駕二府同受遺詔輔立仁宗及皇太后權聽斷軍國事宰相了謂欲去權字王沂公時參大政獨執之曰皇帝冲年太后臨朝斯非國家常典稱權猶足示後况言猶在耳何可改也謂雖深憾其言然權字遂不敢去魏王別錄

張乖崖

忠定公後自金陵入苦腦疽未陞見御史閣門累奏上寬其告俾養疾公恨不得面陳所懷乃抗論近年虛國家帑藏竭生民膏血以奉無用之土木者皆丁謂王欽若啓上侈心之所爲也不誅死無以謝天

下章三上不報出知陳州麗水燕談

薛簡肅

明肅太后從謁太祖詔禮官草儀時學臣寘周官右服進議佞者密請曰陛下垂簾聽大政覲兩官尊稱山呼及輿御皆王者制度入太室豈當以右服見祖宗耶遂下詔服袞冕諫疏交上復宰臣執議俱不之聽不得已將誕告賴薛簡肅公以關右人語氣明直不文其談簾外口奏曰陛下大謁之日還作漢兒拜耶女兒拜耶明肅無答是夕報罷

新雕 皇朝類苑卷第十六